

Chóng-pian-chip
Pian-chip kap Khan-thâu Siat-kè
Publisher

Tēⁿ Si-chong
Koa Khá-lē
Ko-hiông Tâi-gí Lô-má-jī Gián-síp-hōe

911: Kái-piàn Sè-kài ê Chit-kang

Tiuⁿ Hók-chū Hōe-tiūⁿ

Góa éng-óan, éng-óan ē kì--tit. 2001 nī ē 9 gòeh 11 chit-kang!

911 hit-àm 9 tiám 35 hun, góa hā-pan sái-chhia beh tng-khì chhù--nih, góa k̄a chhia lāi ē la-jí-ōh chūn--khui. Hm?! ICRT im-gák chiat-bòk ná ē bô--khì? Chú-chhī-jîn teh kóng sím-mih? Hāⁿ! Bí-kok ê Kok-hông-pō hō hui-ki lòng--tiòh teh tòh-hóe? Kiám chin..ê? Kóng-chhiò? Jú thiaⁿ jú kám-kak m̄-sī-sè. Kàu chhù, kín k̄a tiān-sī phah--khui.(Góa í-keng chiok kú m̄-bat khòaⁿ tiān-sī..ah.) A-niâ-oê! Niú-iok ê Sè-kài Bō-ék Tōa-lâu hō hui-ki lòng chit-ē tng chò kúi-nā kóeh! Che kiám sī 'lâng' chò ē chhut--lâi ê t̄ai-chì? Hui-ki lāi ê lâng, tōa-lâu lāi ê lâng, kap kiap hui-ki ê lâng ū sím-mih oan-siū? Koh khah án-chóaⁿ siūⁿ mā siūⁿ bē kàu! Siūⁿ bē kàu chit-má iáu-koh ū chit-khóan ūi-hóan ki-pún jîn-sèng ê t̄ai-chì.

Chit-khóan chò-hoat sī kong-khai kap chōan tē-kiū ē lâng chò tui-thâu. Sī tui jîn-lūi bûn-bêng ē chau-that kap bú-jiók. Sī hāi lâng mā hāi ka-kī ē hêng-ūi. Chit-khóan chò-hoat, kong-khai tī tiān-sī hòng-sàng, chòat-tui ē chō-sêng bô hoat-tō àn-sng ē siong-hāi. Ū iūⁿ khòaⁿ iūⁿ. Chin chē lâng, sīm-chì gín-á, mā khó-lêng ē óh tiòh chiah-nih chân-jím ê chhiú-tōaⁿ. Chiong-kí bōe--á, tē-kiū téng só-ū ē lâng lóng ē siū-siong, piàn-chò pī-hāi-jîn! Lék-sú ē chò cheng-jîn lāi sím-phòⁿ hiah-ê chân-pók ē kiap-ki-hōan.

21 sè-kí ē bûn-bêng ê jîn-lūi èng-kai sī: tī bô k̄ang ē bûn-hòa, cheng-tī chē-tō, gí-giân, seng-òah hong-sek ê tē-kiū--nih, hō-siōng chun-tiōng kap hō-siōng him-sióng. Bô k̄ang-khóan ê siūⁿ-hoat, chú-tiuⁿ, tiòh ài iōng bîn-chú ē cheng-sîn, bûn-bêng ê chhiú-tōaⁿ lāi kái-koat. Góa mā òng-bāng Tâi-bûn-kài ê iú-chì lóng sī án-ne. Che chiah sī Tâi-òan ê hok-khì.